

四庫全書

子部

欽定四庫全書

子部

冊府元龜卷七百三十一至
四

詳校官中書臣吳瓌

侍讀臣孫球覆勘

總校官庶吉士臣何思鈞

校對官主簿臣汪日贊

謄錄監生臣許立學

欽定四庫全書

冊府元龜卷七百三十一 宋 王欽若等 撰

陪臣部

總序

古者建侯分土皆有臣吏

若有虞庖正有仍牧正之比

夏商以往其

詳蓋闕周王之制始以諸侯上大夫卿下大夫上士中

士下士爲五等大國三卿皆命於天子次國三卿二卿

命於天子一卿命於其君小國二卿皆命於其君而國

皆有下大夫五人上士二十七人平王東遷諸侯立政家陪之職多擬王室其見於春秋者魯有司徒司馬司

空司寇太宰

皆卿官也諸侯倣此

祝宗卜史之職

大祝掌祠祀宗人掌禮太卜掌

卜筮太史掌記事諸國皆有但不備見於經爾魯太史之外復有外史

又有工正掌車服

陰正主役徒周人掌圖籍宰人掌禮書馬正校人掌馬

縣邑則有大夫宰以守邑有賈正掌物價

諸國縣邑皆有大夫唯楚

縣置尹或借稱公

宋以司徒爲司城

避武公諱

有大司馬少司馬司

馬大司徒司徒右師左師大司寇少司寇司寇太宰太

宰督少宰大尹卿正門尹又有御士主公御司里掌問

里迹人主迹禽獸校正主馬工正主車晉以司徒為中

軍避僖侯諱有大司空司空太傅司寇司馬太師太史之職

三軍之外復有中行右行左行之官周制大國三軍皆以卿將之大夫佐

之晉舊有三軍又新作三軍避天子六軍之制故以行為右又有軍司馬軍尉軍候

亞旅侯奄皆掌軍事又有候正主斥候輿師主兵車校

正主馬司士主車右五正主五官執秩主爵秩七輿大

夫主車輿大士主治獄公族旒車掌公族餘子掌公適

子之母弟公行掌庶子與尉掌役司典掌典籍復陶主
衣服筮史膳宰樂師各掌其事齊卿官及太史太師之
外有銳司徒主銳兵辟司徒主辟壘工正主百工衡虞
主山舟鮫掌澤虞候掌藪祈望掌海又有侍漁監取魚
虞人掌山澤縣大夫之外別有師掌地域楚有令尹太
宰右尹宰少宰司徒司空司馬左司馬右司馬司敗陳
謂司寇七大夫莫敖若敖連尹工尹樂尹藍尹箴尹鍼
爲司敗尹蠆尹陵尹寢尹沈尹芊尹郊尹卜尹莠尹門尹馬尹

宮廐尹中廐尹又有太師掌環列之尹封人主役右領
左史爲賤官縣尹之外又有司馬鄭卿官之外有司宮
主宮令正主作辭令馬師主馬封人主封疆卜大夫府
人庫人郊人各掌其事其餘國則衛有右宰吳有太宰
隨有少師它職皆不見於經其戰國之際公侯多僭王
號諸國皆有相國假相國上卿客卿國尉御史田部吏
其用兵則有大將軍將軍軍師監宰裨將等官縣則有
圉吏市椽監門之職秦孝公時又置縣令以公士上造

簪褭不更

不更亦見於春秋

大夫公大夫官大夫公乘五大夫

左右庶長左更中更右更少上造大上造駟車庶長大

庶長關內侯徹侯爲二十爵惠文君時又置左右丞相

及有犀首之官

若漢虎牙將軍

楚又有左徒三閭大夫其家臣

則春秋時有冢宰冢司馬祝宗差車戰國有舍人中庶

子其太子官及官者皆見於本序此不復紀夫陪貳藩

國分守官次所以輔翊其主尊屏王室而有智用淵達

謀慮沈敏挺賢懿之德秉忠亮之操方正不撓辭令克

允爲禮明上下之等臨政適寬猛之要規正闕失薦達
賢彥臨難而盡節受邑而建嗣至於擅命恣橫僭上奢
縱罔循典禮連構禍危詭譎交變戕賊肆害任性以忿
競棄國而奔越咸用論叙以著於篇凡陪臣部二十門

封邑 立嗣

封邑

周制卿大夫士有祿秩之差諸侯亦自命其陪臣卿佐
故其家邑采地制祿受封亦惟舊矣東遷之後庶邦立

政雖大國之卿當命於天子者亦罕聞焉若夫霸者之
土過於數圻強家之賦踰於百乘當其以能詔爵以功
裂壤賞之以衍沃錫之以陪敦傳世延嗣保姓受氏自
爾胄緒蕃衍宗族熾大專制國命以弱公室者亦固有
之傳曰末大必折尾大不掉其是之謂也

桓叔晉文侯弟成師也文侯封之於曲沃曲沃邑大於
翼翼晉君都邑也成師封曲沃號爲桓叔靖侯庶孫欒
賓相桓叔桓叔是時年五十八矣好德晉國之衆皆附

焉君子曰晉之亂其在曲沃矣末大於本而得民心不亂何待

共叔段鄭莊公母弟也母姜氏爲共叔段請制公曰制

巖邑也虢叔死焉他邑惟命

虢叔東虢君也恃制巖險而不修德鄭滅之恐段復

然故闢以他邑虢國虢今滎陽縣

請京使居之謂之京城大叔

公順姜請使段

居京師謂之京城大叔言寵異於衆臣京鄭邑今滎陽京縣

季友魯莊公弟也僖公元年以汝陽鄆封季友

汝陽鄆魯二邑

韓武子爲晉大夫封於韓原

趙夙畢萬皆晉大夫晉獻公伐魏趙夙御戎畢萬爲右以滅耿滅霍滅魏還賜趙夙耿賜畢萬魏

趙衰晉大夫晉文公伐曹衛兵先下山東而以原封趙

衰

河內沁水縣西北有原城

狐溱陽處父皆晉大夫先食於溫地

卻缺晉大夫晉襄公反自箕以一命命卻缺爲卿復與之冀

孫叔敖爲楚相及卒其子窮困負薪逢優孟優孟謂楚

莊王曰念爲廉吏奉法守職竟死不敢爲非廉吏安可
爲也楚相孫叔敖持廉至死及今妻子窮困負薪而食
不足爲也於是莊王謝優孟乃召孫叔敖子封之寢丘

在固始四百戶以奉其祀後十世不絕

士伯晉大夫晉荀林父敗赤狄於曲梁乃滅潞晉侯

治兵于稷以略狄土賞桓子林父也狄臣于室賞士伯以

疋衍之縣曰吾獲狄土子之功也微子吾喪伯氏矣

北郭佐齊大夫齊慶氏亡皆召羣公子具其器用而反

其邑焉與晏子邺殿其鄙六十弗受與北郭佐邑六十受之

子展子產皆鄭大夫鄭伯賞入陳之功享子展賜之先輅三命之服先八邑賜子產次輅再命之服先六邑子產辭邑曰自上以下降殺以兩禮也臣之位有四且子展之功也臣不敢及賞禮請辭邑公固子之乃受三邑鬬辛楚大夫魯昭公十四年楚子殺鬬成然後滅養氏之族使鬬辛居鄖

魏舒爲晉卿韓宣子卒魏獻子爲政獻子即魏舒也分祁氏之

田以爲七縣分羊舌氏之田以爲三縣司馬彌牟爲鄆

大夫賈辛爲祁大夫司馬烏爲平陵大夫魏戌爲梗陽

大夫知徐吾爲塗水大夫韓固爲馬首大夫孟丙爲孟

大夫樂霄爲銅鞮大夫趙朝爲平陽大夫僚安爲楊氏

大夫

夫概王吳王闔閭弟也夫概王自立爲王敗走奔楚楚

王封夫概王於棠谿在慎縣一云汝南有吳房縣爲棠谿氏

田常齊大夫割安平以東爲己封封邑大於齊

顏涿聚齊大夫顏庚也魯哀公二十七年晉荀瑶伐鄭

鄭請救于齊齊師將興陳成子設乘車兩馬繫五邑馬

乘服車兩馬大夫服又加之五邑召涿聚之子晉曰隰之役而父死焉

隰役在二十三年以國之多難未汝恤也令君命汝以是邑也

服車而朝無廢前勞

伯魯趙簡子太子也簡子廢伯魯立子毋卹簡子卒毋

卹立是爲襄子襄子姊前爲代王夫人簡子既葬未除

北登夏屋

山在廣武

請代王使厨人操銅料以食代王及從

者行斟陰令宰人各

一作雜

以料擊殺代王及從官遂興

兵平代地遂以代封伯魯子周爲代成君

樂羊爲魏文侯將伐取中山文侯封樂羊以靈壽

屬在恒山

蘇秦爲趙相既約六國從親歸趙趙肅侯封爲武安君

樂毅爲燕亞卿伐齊破之濟西追至於臨淄齊湣王之

敗濟西亡走保於莒樂毅獨留徇齊齊皆城守樂毅攻

入臨淄盡取齊寶財物祭器輸之燕燕昭王大悅親至

濟上勞軍行賞饗士封樂毅於昌國

屬齊

號爲昌國君毅

狗齊五歲下齊七十餘城唯獨莒即墨未服昭王死惠
王使騎劫代將而召樂毅樂毅畏誅西降趙趙封樂毅
於觀津號曰望諸君燕王復以樂毅子樂間爲昌國君
田單爲齊將大敗燕軍燕軍敗走楚王遂夷殺其將騎
劫燕軍擾亂奔走齊人追亡逐北所過城邑皆畔燕而
歸齊田單兵日益多乘勝燕日敗亡卒至河上而齊七
十餘城皆復爲齊乃迎襄王於莒入臨淄而聽政襄王

封田單號曰安平君

廉頗爲趙將大破燕軍於鄣殺燕將栗腹遂圍燕燕割
五城請和乃聽之趙以尉文邑也封廉頗爲信陵君爲假

相國

樂乘昌國君樂間之宗也燕王喜用其相栗腹之計欲
攻趙而問樂間樂間曰趙四戰之國也其民習兵伐之
不可燕王不聽遂伐趙趙使廉頗擊大破栗腹之軍於
鄣禽栗腹樂乘趙封樂乘爲武襄君

范雎爲秦相秦昭王封雎以應號爲應侯

蔡澤爲秦相數月人或惡之懼誅乃謝病歸相印號爲

綱成君

李宗老子之子也爲魏相封於段干

魏邑名

馮亭爲韓上黨守秦昭王四十五年伐韓之野王野王

降秦上黨道絕亭與民謀曰鄭道已絕

河南新鄭韓之國都是也韓

必不可得爲民秦兵日進韓不能應不如以上黨歸趙

趙若受我秦怒必攻趙趙被兵必親韓韓趙爲一則可

以當秦因使人報趙趙孝成王與平陽君平原君計之
平陽曰不如勿受受之禍大於所得平原君曰無故得
一郡受之便趙受之因封馮亭爲華陽君

樗里子秦惠王弟也惠王二十五年使樗里子爲將伐
趙虜趙將軍莊豹拔藺明年助魏章攻楚敗楚將屈匄
取漢中地秦封樗里子號爲嚴君

魏冉爲秦相秦昭王封魏冉於穰復邑於陶

一作陰

號曰

穰侯

衛鞅爲秦相孝公使鞅將而伐魏既破魏還秦封之於

商

弘農商縣也

十五邑號爲商君

趙奢趙之田部吏也秦伐韓軍於闕與趙王令趙奢將救之大破秦軍秦軍解而走遂解闕與之圍而歸趙惠文王賜奢號爲馬服君

李牧爲趙將趙幽繆王三年封李牧爲武安君

田嬰爲齊大夫齊將封嬰於薛楚武王聞之大怒將伐齊齊王有鞅志公孫闈曰封之成與不非在齊也又將

在楚開說楚王令其欲封公也又甚於齊嬰曰願委之於子公孫開謂楚王曰魯宋事楚而齊不事者齊大而魯宋小王獨利魯宋之小不惡齊之大何也夫齊之削地而封田嬰是其所以弱也願勿止楚王曰善因不止田文爲齊相封孟嘗君既救趙趙王封之武城

田忌爲齊大夫亡齊而之楚鄒忌代之相齊恐田忌欲以楚權復於齊杜赫曰臣請爲留楚謂楚王曰鄒忌所以不善楚者恐田忌以楚權復於齊也王不如封田忌

於江南以示忌之不復返齊也鄒忌必以齊厚事楚田
忌亡人也而得封必德王若復於齊必以齊事楚此用
二忌之道也楚果封之於江南

鄒忌子以鼓琴見齊威王三月而受相印期年封以下
邳號曰成侯

公子無忌魏昭王少子安釐王異母弟也昭王薨安釐
王即位封公子爲信陵君

黃歇爲楚相封春申君賜淮北地十二縣後十五歲黃

歇言於楚王曰淮北邊齊其事急請以爲郡便因獻淮
北十二縣請封於江東考烈王許之春申君因城故吳
墟自以爲都邑

趙勝爲趙相封於東武城

屬清河

張儀秦惠王時爲相封五邑號武信君

白起秦昭王時爲相封武安君

李同趙邯鄲傳舍吏子也秦惠王圍邯鄲邯鄲急且降平
原君甚患之李同說平原君平原君從之得敢死之士

三千人李同遂與三千人赴秦軍秦軍爲之却三十里亦會楚魏救至秦兵遂罷邯鄲復存李同戰死封其父

爲李侯

河西成臯有李城

虞卿遊說之子也說趙季成王再見爲趙上卿食邑於虞故號爲虞卿

呂不韋陽翟人也秦莊襄王元年爲丞相封文信侯食河內雒陽十萬戶

立嗣

春秋之世諸侯立政家陪之列或執國命傳祚强大與
國升降遠者綿綿不絕近者不十數世其有父没子繼
兄亡弟及或家老請嗣或宗人議立或決於龜筮或私
於憎愛亂亡之患爭奪之源於茲多矣然而年鈞擇賢
義鈞以卜所以生世適之嗣承大宗之重克荷先業大
庇族人自非奉若前訓以稽乎至順慎求令德無忝爾
祖亦曷能潔蒸嘗而纘基緒者哉

石駘仲衛大夫石碣之族也駘仲卒無適子有庶子六

人卜所以爲後者

莫適立也

曰沐浴佩玉則兆

言齊潔則得吉兆

五

人者皆沐浴佩玉石祁子曰孰有執親之喪而沐浴佩

玉者乎不沐浴佩玉

心正且知禮

石祁子兆衛人以龜爲有

知也

趙衰字子餘晉大夫初從公子重耳

文公也

奔狄狄人伐

廡咎如獲其二女納諸公子公子以叔隗妻趙衰生盾

後文公妻趙衰

文公以女妻趙衰

生原同屏括樓嬰趙姬請逆

盾與其母

趙姬文公女

子餘辭姬曰得寵而忘舊何以使人

必逆之固請許之來以盾爲賢請于公以爲嫡子而使
其三子下之

公孫敖魯大夫也出奔莒魯人立文伯

文伯教子教也

文伯疾

而請曰穀之子弱

子孟獻子年尚少

請立難也

難教弟

許之文伯

卒立惠叔

趙武晉大夫盾之孫朔之子也朔妻晉成公女莊姬也

晉討趙同趙括

同括並盾之弟也

武從姬氏畜於公宮以其田

與祁奚韓厥言於晉侯曰成季之勳宣孟之忠

成季趙衰宣孟

趙盾而無後爲善者懼矣乃立武而反其田焉

仲嬰齊魯大夫公孫嬰齊也

未見於經爲公孫嬰齊今見於經爲仲嬰齊

公

孫嬰齊則曷爲謂之仲嬰齊爲兄後也爲兄後則曷爲

謂之仲嬰齊

括本公孫

爲人後者爲之子也

更爲公孫之子故不得復氏公

孫爲人後者爲其子則其稱仲何

括氏非一

孫以王父字爲

氏也

謂諸侯子也顧興滅繼絕故紀族明所出

然則嬰齊孰後歸父也歸

父使于晉而未反

宣公十八年自晉至禮奔齊記今未還

何以後之

括己絕也

叔仲惠伯傳子赤者也

叔仲者叔彭生氏也文家自積於叔叔仲有長幼故連氏之經

云仲者明春秋實家
當積於仲惠謚也

文公死子幼

子赤幼也

公子遂謂叔仲

惠伯曰君幼如之何願與子慮之叔仲惠伯曰吾子相

之老夫抱之

禮大夫七十而致仕若不得謝則必賜之
杖行役以婦人從適四方乘安車自稱

曰老夫

何幼君之有公子遂知其不可與謀退而殺叔仲

惠伯弑子赤而立宣公

殺叔仲惠伯不書者舉弑君爲
重叔仲惠伯事與荀息相類不

得爲累者有異也叔仲惠伯
直先見殺耳不如荀息死之

宣公死成公幼臧宣叔者

相也

臧孫許
宣謚

君死不哭聚諸大夫而問焉曰昔者叔仲

惠伯之事孰爲之諸大夫皆雜然曰仲氏也其然乎於

是遣歸父之家

時見君幼欲以防示諸大夫

然後哭君歸父使乎晉

還自晉至櫪聞君薨家遣殯惟哭君成踊反命於介自

是走之齊魯人徐傷歸父之無後也

徐者皆共之辭也關東語傷其先人

為惡身見逐幼不忿懣也於是使嬰齊後之也

弟無後兄之義為亂昭穆之序失父子之

親故不言仲孫明不與子為父孫

鮑牽齊大夫也齊別鮑牽來召鮑國而立之

國牽之弟文子初

鮑國棄鮑氏而來為施孝叔臣氏施卜宰句湏吉

卜立冢宰

施氏之宰有百室之邑與句湏邑使為宰以讓鮑國而

致邑焉施孝叔曰子實吉對曰能與忠良吉孰大焉鮑國相施氏忠故齊人取以爲鮑氏後

國佐齊大夫殺慶克以穀叛齊侯復之國勝言難于晉

使待命于清

勝國佐子使以高氏之難告晉齊欲討國佐故留其子於外

成十八年

齊殺國佐于內宮之朝使清人殺國勝國弱來奔

弱勝之弟

王湫奔萊

湫國佐黨

慶封爲大夫慶佐爲司寇

封佐皆慶克子

既齊

侯反國弱使嗣國氏禮也

佐云罪不及之祀

荀偃晉大夫將中軍伐齊還荀偃癰疽生瘍於頭濟河

及著雍病目出大夫先歸者皆反士句請見弗納請後

曰鄭甥可

鄭甥荀吳其母鄭女

公孫黑肱鄭大夫黑肱有疾歸邑于公召室老宗人立

段

段子石黑肱子

季武子魯大夫無適子公彌長而愛悼子欲立之

公彌公鉏

悼子紇也訪於申豐曰彌與紇吾皆愛之欲擇才焉而立之

申豐趨退歸盡室將行

申豐季氏屬大夫

他日又訪焉對曰其

然將具敝車而行

其然猶必爾

乃止

止不立紇

訪於臧紇臧紇曰

飲我酒吾爲子立之季氏飲大夫酒臧紇爲客爲上賓既

獻已獻酒臧孫命北面重席新樽潔之酒樽既新復潔潔之召悼子

降逆之大夫皆起臧孫下迎悼子及旅而召公鉏獻酬禮畢而通行為旅

使與之齒使從庶子之禮列在悼子之下季孫失色恐公鉏不從季氏以公

鉏爲馬正馬正家司馬愠而不出閔子馬見之閔子馬閔馬父曰子

無然禍福無門唯人所召爲人子者患不孝不患無所

所位敬共父命何常之有言廢置在父無常位也若能孝敬富倍

季氏可也父寵之則可富姦回不軌禍倍下民可也禍甚於貧賤公

鉏然之敬共朝夕恪居官次

次舍也

季孫喜使飲已酒而

以具往盡舍旃

具饗燕之具

故公鉏氏富又出為公左軍

出季

氏家臣
仕於公

孟莊子魯大夫也孟孫惡臧孫

不相善

季孫愛之

愛其臧已志

孟氏之御騶豐點好羯也

羯孟莊子之庶子也子秩之弟孝伯也

曰從余

言必為孟孫

為孟孫後

再三云羯從之孟莊子疾豐點謂公

鉏苟立羯請讐臧氏

使孟氏與公鉏共憎臧孫

公鉏謂季孫曰孺子

秩固其所也

固自當立

若羯立則季氏信有力於臧氏矣

臧氏

因季孫之欲立統而定之猶爲有力令若弗應孟孫卒
專立孟氏之少則季氏有力過於臧氏矣

公鉏奉羯立於尸側

尸側喪位

季孫至入哭而出曰秩焉在

公鉏曰羯在此矣季孫曰孺子長公鉏曰何長之有唯

其才也

季孫廢鉏立統云欲擇才故以此答之

且夫子之命也

遂誣孟孫遂立

羯秩奔邾

臧孫紇魯大夫出奔邾初臧宣叔娶於鑄生賈及爲而

死

鑄國濟北蛇邱縣所治

繼室以其姪

女子謂兄弟之子爲姪

穆姜之姨子也

姪穆姜姨母之子

生紇長於公宮姜氏愛之故立之

爲立

與穆姜姨兄弟

宣叔

臧賈臧爲出在鑄

還舅氏也

臧武仲自邾使告臧賈且

致大蔡焉

大蔡大龜

曰紇不敏失守宗祧

遠宗廟爲祧

敢告不弔

不爲天所弔恤

紇之罪不及不祀

言應有後

子以大蔡納請其可

請爲

先人立後

賈曰是家之禍也非子之過也賈聞命矣再拜受

龜使爲以納請

賈使爲爲己請

遂自爲也

爲自爲請

臧孫如防

臧孫邑

使來告曰紇非能害也知不足也

言使甲從已但慮事淺耳

非敢私

請

爲其先人請也 苟守先祀無廢二勳

二勳文仲宣叔

敢不辟邑

據邑請後

故孔子以爲要君

乃立臧爲臧紇致防而奔齊

崔杼齊大夫也生成及疆而寡

偏喪曰寡寡特也

娶東郭姜生

明東郭姜以狐入曰宗無咎

無咎宗公之子

與東郭偃相崔氏

東郭偃姜之弟也

崔成有疾而廢之

有惡疾

而立明成請老於崔

濟南東朝陽縣西北有崔氏城欲居崔邑以終老

崔子許之偃與無咎弗子曰

崔宗邑也必在宗主

宗邑宗廟所在宗主謂崔明

成與疆怒將殺之

告慶封曰夫子之身亦子所知也唯無咎與偃是從父

兄莫得進矣大恐害夫子敢以告

夫子謂崔杼

慶封曰子姑

退吾圖之告盧蒲癸

癸慶封屬大夫封以成疆之言告癸

盧蒲癸曰彼君

之讐也天或者將棄彼矣彼實家亂子何病焉

君謂齊莊公爲

崔杼所弑

崔之薄慶之厚也

崔敗則慶專權

他日又告

成疆復告

慶封曰

苟利夫子必去之難吾助汝崔成崔疆殺東郭偃崇無

咎於崔氏之朝崔子怒而出其衆皆逃求人使駕不得

使圉人駕寺人御而出

圉人養馬者寺人奄士

且曰崔氏有福止

余猶可

恐滅家禍不止其身

遂見慶封慶封曰崔慶一也

言如是一家

何敢然請爲子討之使盧蒲嬖帥甲以攻崔氏崔氏

其宮而守之

堞短垣使其衆居短垣內以守

弗克使國人助之遂滅崔

氏殺成與疆而盡俘其家其妻縊妻東郭姜也嬰復命於崔

子且御而歸之嬰爲崔子御至則無歸矣乃縊崔明夜辟諸

大墓開先人之塚以藏之遂奔魯

高止齊大夫也出奔燕故高豎以盧叛豎高止子閔丘嬰帥

師圍盧高豎曰苟使高氏有後請致邑還邑於君齊人立敬

仲之曾孫鄴敬仲高僕良敬仲也良猶賢也高豎致盧而出奔魯

駟偃字子游鄭大夫也偃娶於晉大夫生絲弱弱幼少其

父兄立子瑕子瑕子游叔父駟乞

臧會魯人也臧昭伯如晉會竊其寶龜傳句

傳句龜所出地名

以下爲信與僭僭吉

借不信也

臧氏老將如晉問

問昭伯起居

會

請往

代家老行

昭伯問家故盡對

故事也

及內子與母弟叔孫

則不對

內子昭伯妻不對若有他故

再三問不對歸及郊會逆問又

如初

又不對

至次於外而察之皆無之執而戮之逸奔郕

郕魴假使爲賈正焉

郕在東平無鹽縣東南魴假郕邑大夫賈正掌貨物使有常價若市

更計於季氏

送計簿於季氏

臧氏使五人以戈楯伏諸桐汝之

間

桐汝里名會出逐之反奔執諸季氏中門之外平子怒曰

何故以兵入吾門拘臧氏老季臧有惡相怨及昭伯從

公

昭伯從昭公孫齊

平子立臧會

立以爲臧氏後

會曰儻句不余欺也

傳言卜筮之驗善惡由人

季桓子有疾命正常曰無死

正常桓子之寵臣欲付以後事故勅令勿從已死

南孺子之子男也則以告而立之

南孺子桓子之妻言若生男告公而立之

女也則肥也可

肥康子也

季孫卒康子即位既葬康子在朝

在公朝

南氏生男正常載以如朝告曰夫子有遺言命其

圉臣曰南氏生男則以告於君與大夫而立之今生矣

男也敢告遂奔衛康子請退

退辟公

公使共劉視之

共劉魯大

夫則或殺之矣乃討之

討殺者

公儀仲子之喪檀弓免焉

故爲非禮以非仲子也禮朋友皆在他邦乃袒免

仲

子舍其孫而立其子

此其所立非也公儀蓋魯同姓周禮適子死命適孫爲後

檀弓

曰何居我未之前聞也

居讀爲姬姓之姬齊魯之間語也前猶故也

趨而就

子服伯子於門右曰仲子舍其孫而立其子何也

去賓位就

主人兄弟之賢者而問之子服伯子蓋仲孫蔑之立孫子服景伯蔑魯大夫

伯子曰仲子亦

猶行古之道也昔者文王舍伯邑考而立武王微子舍

其孫膑而立衍也夫仲子亦猶行古之道也

伯子爲親者隱耳立

子非也文王之立武王權也微子適子死立其弟衍者乃殷禮也

子游問諸孔子孔子

曰否立孫

據周禮

惠叔蘭衛將軍文子彌牟之弟司寇惠子也惠子之喪

惠叔蘭生子虎

子游爲之麻衰牡麻經

惠子廢適立庶爲之重服以譏之麻衰以重服

之布爲衰

文子辭曰子辱與彌牟之弟游

謝其存時

又辱爲之服

敢辭

止之服也

子游曰禮也文子退反哭

子游名習禮文子亦以爲當然未覺

其所

子游趨而就諸臣之位

深譏之大夫之家臣位在賓後

文子又辭

曰子辱與彌牟之弟游又辱爲之服又辱臨其喪敵辭

止之在臣位

子游曰固以請

再不從命

文子退扶適子南面而立

曰子辱與彌牟之弟游又辱爲之服又辱臨其喪虎也

敢不復位

覺所譏也虎適子名文子親扶而辭敬子游也南面而立則諸臣位在門內北面明矣

子游趨而就客位

趙簡子晉大夫也子母卹

襄子也

母賤翟婢也簡子盡召

諸子與語母卹最賢乃廢太子伯魯而以母卹爲太子

趙襄子爲兄伯魯之不立也不肯立子且必欲傳位與

伯魯子代成君代成君先死乃取代成君子浣立爲太子

田嬰齊宣王庶弟也嬰有子四十餘人其賤妾有子曰

文嬰使文主家待賓客賓客日進名聲聞於諸侯諸侯

皆使人請薛公田嬰以文爲太子嬰許之嬰卒謚爲靖

郭君

皇覽曰靖郭君家在魯國薛城中東南陬

而文果代立於薛是爲孟嘗

君

冊府元龜卷七百三十一

欽定四庫全書

冊府元龜卷七百三十二 宋 王欽若等 撰

陪臣部

智識

古人有言曰智者心之符又曰識洞機先則知智識之
爲用也德必有鄰道無不在奉國之主當爲政之先經
濟之有成故動靜而無爽言以見志可威強敵之兵默
以成謀乃挫鄰國之勢至於立功遂事出言有章爲當

時之規範垂後世之鑒戒信爲霸者之佐焉

士爲晉大夫也莊公二十七年晉侯將伐虢士爲曰不

可虢公驕若驟得勝於我必棄其民棄民不養之無衆而後

伐之欲禦我誰與夫禮樂慈愛衆所畜也夫民讓事樂

和愛親哀喪而後可用也止之使民以義讓不虢弗畜

也亟戰將饑言虢而不畜讓而力戰

荀息晉大夫也晉獻公欲伐虢荀息曰君何不以屈產

之乘垂棘之璧而借道乎虞也屈邑產駿馬垂棘出良璧公曰此晉

國之寶也如受吾幣而不借吾道則如之何荀息曰此

小國之所以事大國也

此謂璧馬之屬

彼不借吾道必不敢受

吾幣如受吾幣而借吾道則是我取之中府而藏之外

府取之中廐而置之外廐也公曰宮之奇存焉

宮之奇虞之賢

大夫必不使受也荀息曰宮之奇之爲人也達心而懦

懦弱

又少長於君達心則其言略

明達之人言則舉綱領要不言提其耳則愚者不悟

懦則不能彊諫少長於君則君輕之且夫玩好在耳目

之前而患在一國之後此中知以上乃能慮之臣料虞

君中知以下也公遂借道而伐虢宮之奇諫曰晉國之使者其辭卑而幣重必不便於虞虞公弗聽遂受其幣而借之道宮之奇諫曰語曰唇亡則齒寒其斯之謂歟

語諫言也

挈其妻子以奔曹獻公亡虢五年而後舉虞荀息

牽馬操璧而前曰璧則猶是也而馬齒加長矣

郟叔虎晉大夫也晉獻公田見翟祖之氣

田獵名祖國名氣災氣凶

象也凶曰氣吉曰祥歸寢不寐

欲伐翟祖寐瞑也

郟叔虎朝公語之

語以寢不

寐郟叔父晉大夫郟芮之父郟豹

對曰床第之不安邪第抑驪姬之不

在側邪公辭焉出遇士蔦曰今夕君寢不寐必爲翟祖

君意在翟祖

夫翟祖之君好專利而不忌

忌難也

其臣競諂以

求媚其進者壅塞

其臣競諂故進者則壅塞其上使不聞過也

其退者距違

其退去者則距違其君

其上貪以忍

忍爲不義也

其下偷以幸

偷苟也幸是微

倖

有縱君而無諫臣

縱放也

有冒上而無忠下

冒怯冒言貪

以

是處國不亦難乎君若伐之可克也吾不言子必言之

不言讓其上

士蔦以告公說乃伐翟祖

史蘇晉大夫獻公卜伐驪戎史蘇占之曰勝而不吉公

曰何謂也遇兆挾以銜骨齒牙爲猾

遇見也挾會也骨所以鯁刺人猾矣

也齒牙謂兆端左右疊折有似齒牙中有從畫故曰銜骨骨在口中齒牙弄之以象護口之爲害也禮卜師作龜大夫占戎夏交梓兆有二畫外象戎內象諸夏夏謂色史占墨

戎夏交梓

兆有二畫外象戎內象諸夏夏謂晉也兆端會齒牙有似梓交對也

交梓是交勝也臣故云且懼有口攜人國移公焉公曰

何口之有口在寡人寡人弗受誰敢興之對曰苟可以

攜其人也必甘逞而不知胡可壅也公不聽遂伐驪戎

尅之獲驪姬以歸有寵立爲夫人公飲大夫酒令司正

實爵與史蘇曰飲而無肴夫驪之役女曰勝而不吉故

賞女以爵罰女以無肴克國得妃其有吉孰大焉史蘇
卒爵再拜稽首曰兆之有臣不敢蔽蔽兆之紀失臣之
官有二罪焉何以事君大罰將及不惟無肴抑君亦樂
其吉而備其凶凶之無有備之何害若其有之備之爲
瘳臣之不信國之福也何敢憚罰飲酒出史蘇告大夫
曰有男戎必有女戎若晉以男戎勝戎而戎亦必以女
戎勝晉其若之何里克曰何如史蘇曰昔夏桀伐有施
氏有施人以妹喜女焉妹喜有寵於是乎與伊尹比而

亡夏殷辛伐有蘇氏有蘇氏以妲己女焉妲己有寵於
是乎與膠鬲比而亡殷周幽王伐有褒人有褒人以褒
姒女焉褒姒有寵生伯服於是乎與虢叔甫比逐太子
宜臼而立伯服太子出奔申申人繒人召西戎以伐周
周於是乎亡今晉寡德而安俘女又增其寵雖當三季
之王不亦可乎且其兆云挾以銜骨齒牙爲猾我卜伐
驪龜往離散以應我夫若是賊之兆也非吾宅也離則
有之不跨其國可謂挾乎不得其君能銜骨乎若跨其

國而得其君雖逢齒牙以猾其中誰云弗從諸夏從戎
非敗而何從政者不可以不戒亡無日矣郭偃曰夫三
季王之亡也宜民之主也縱惑不疚肆侈不違流志而
行無所不疚是以其亡而不獲追鑿今晉國之方偏侯
也其土又小大國在側雖欲縱惑未獲專也且夫口三
五之門也是以讒口之辭不過三五且大家隣國將師
保之多而驟立不其集亡雖驟立不過五矣夫挾小鯁
也可以小戕而不能喪國當之者戕焉於晉何害雖謂

之挾而猾以齒牙口弗堪也其與幾何晉國懼則甚矣
亡猶未也商之衰也其銘有之曰嗛嗛之德不足就也
不可以矜而祇取憂也嗛嗛之食不足狃也不能爲膏
而祇離舍也雖驪之亂其離咎而已其何服吾聞之以
亂得聚者非謀不卒時非人不免難非禮不終年非義
不盡齒非德不及世非天不離數今不據其安不可謂
能謀行之以齒牙不可謂得人廢國而向己不可謂禮
不度而過求不可謂義以寵賈怨不可謂德少族而多

敵不可謂天吾觀君夫人也若爲亂其猶隸農也雖獲沃田而勤易之將弗克饗爲人而已士爲曰戒莫如豫豫而後給夫子戒之抑二大夫之言其皆有焉既而驪姬不克晉正於秦五立而後平

正者爲秦所輔正謂以兵納惠公文公殺呂却

之屬也五立謂奚齊卓子惠公懷公至文公乃平

里克晉大夫驪姬生奚齊其娣生卓子公將黜太子申生而立奚齊里克丕鄭荀息相見里克曰夫史蘇之言將及矣其若之何荀息曰吾聞事君者竭力以役事不

聞違命君立臣從何貳之有不鄭曰吾聞事君者從其
義不阿其惑也惑則誤民民誤失德是棄民也民之有
君以治義也義以生利利以豐民若之何其民之與處
而棄之也必立太子里克曰我不佞雖不識義亦不阿
惑吾其靜也獻公使太子伐東山里克諫曰君行太子
居以監國也君行太子從以撫軍也今君居太子行未
有此也公曰非子之所知也寡人聞之立太子之道三
身鈞以年年同以愛愛疑決之以卜筮子無謀吾父子

之間吾以此觀之公不說里克退見太子太子曰君賜
我以偏衣金玦何也里克曰孺子懼乎衣躬之偏而握
金玦令不偷矣孺子何懼夫爲人子者懼不孝不懼不
得立且吾聞之敬賢於請孺子勉之乎君子曰善處父
子之間矣

卜偃晉大夫也僖公二十三年晉懷公殺狐突偃稱疾

不出曰周書有之乃大明服

周書康誥言君能大明則民服

已則不明

而殺人以逞不亦難乎民不見德而惟戮是聞其何後

之有

舅犯晉大夫也與公子重耳同奔重耳自翟適齊過五
鹿乞食於野人野人舉塊以與之公子怒將鞭之子犯
曰天賜也民以土服又何求焉天事必象十有二年必
獲此土二三子志之歲在壽星及鶉尾其有此土乎天
以命矣復於壽星必獲諸侯天之道也由是始之有此
其以戊申乎所以申土也再拜稽首受而載之獻公之
喪秦穆公使人弔重耳

獻公殺其世子申生重耳辟
難出奔是時在翟就弔之且

曰寡人聞之亡國恒於斯得國恒於斯

言在喪代之際

雖吾子儼

然在憂服之中喪亦不可久也時亦不可失也孺子其

圖之

勸其反國意欲納之喪謂亡失位孺釋也

以告舅犯

舅犯重耳之舅犯偃也字子犯

犯曰孺子其辭焉喪人無寶仁親以為寶

寶謂善道可守者仁親親

行仁義

父死之謂何又因以為利

欲反國求為後是利父死

而天下其

孰能說之孺子其辭焉

說謂解也

公子重耳對客曰君惠弔

亡臣重耳身喪父死不得與於哭泣之哀以為君憂

謝之

父死之謂何或敢有他志以辱君義稽顙而不拜哭而

起起而不私

他志謂私心

子顯以致命於穆公

使者公子繫也盧氏云古

者名字相配顯當作韃

穆公曰仁夫公子重耳夫稽顙而不拜則

未爲後也故不成拜哭而起則愛父也起而不私則遠

利也里克殺奚齊卓子丕鄭使屠岸夷告公子重耳於

翟曰國亂民擾得國在亂治民在擾子盍入乎吾請爲

子鉢重耳告舅犯曰里克欲納我舅犯曰不可夫堅樹

在始始不固本終必槁落夫長國者唯知哀樂喜怒之

節是以導民不哀喪而求國難因亂以入殆以喪得國

則必樂喪樂喪必哀生因亂以入則必喜亂喜亂必怠
德是哀樂喜怒之節易也何以導民民不我導誰長重
耳曰非喪誰代我非亂誰納我舅犯曰偃也聞之喪亂
有小大大喪大亂之剡也不可犯也父母死爲大喪讒
在兄弟爲大亂今適當之是故難公子重耳出見使者
曰子惠顧亡人重耳父生不得供備洒掃之臣死又不
敢蒞喪以重其罪且辱大夫敢辭夫固國者在親衆而
善鄰在因民而順之苟衆所利鄰國所立大夫其從之

重耳不敢違重耳在翟十二年狐偃曰自吾來此也非以翟爲榮可以成事也吾日奔而易達因而有資資以擇利可以戾也今戾久矣戾久將底底著滯淫誰能興之盍速行乎吾不適齊楚避其遠也蓄力一紀可以遠矣齊侯長矣而欲親晉管仲沒矣多讒在側謀而無正衷而思始夫必追擇前言求善以終饜邇逐遠人入服不爲郵矣會其季年可也茲可以親皆以爲然乃行又僖公二十七年楚子及諸侯圍宋宋公孫固如晉告

急

公孫固宋莊公孫

先軫曰報施救患取威定霸於是乎在矣

先軫晉下軍之佐原軫也報宋贈馬之施

狐偃曰楚始得曹而新昏於衛若

伐曹衛楚必救之則齊宋免矣

又云楚圍宋宋復告急晉文公欲救宋則攻楚

為楚嘗有德不欲伐也欲釋宋宋又嘗有德於晉晉患之先軫曰執曹伯分曹衛地以與宋楚急曹衛其勢宜釋宋於是文公從之而楚成王乃引兵歸

胥臣晉大夫也文公問于胥臣曰吾欲使陽處父傅謹

也而教誨之其能善之乎對曰是在謹也蘧除不可使

俯戚施不可使仰僬僬不可使舉侏儒不可使援矇瞍

不可使視器瘠不可使言聾瞶不可使聽童昏不可使
謀質將善而賢良贊之則濟可煥也若有違質教將不
入其何善之爲臣聞昔者太任娠文王不變少漶于豕
牢而文王不加病焉文王在母不憂在傅弗熱處師弗
煩事王不怒敬友二虢而惠慈二蔡刑于太姒比于諸
弟詩云刑于寡妻至于兄弟以御于家邦于是乎用四
方之賢良及其即位也詢于八虞而咨于二虢度于閔
天而謀於南宮諏于蔡原而訪於辛尹重之以周召畢

祭億寧百神而和柔萬民故詩曰惠于宗公神罔時恫
若是則文王非專教誨之力也公曰然則教無益乎對
曰胡爲文益其質故人生而學非學不入公曰奈夫八
疾何對曰官師之所材也戚施直鈔蘧蔭蒙瓌侏儒扶
盧矇瞍修聲聾瞶司火僮昏噐瘖僂官師之所不材
也以實喬士夫教者因體能質而利之者也若川然有
原以印浦而後大

印迎也言川已有原因開
利迎之以浦後能大也

原軫晉大夫僖公三十三年初秦使孟明西乞白乙襲

鄭不克而還原軫曰秦違蹇叔而以貪勤民天奉我也

奉不可失敵不可縱縱敵患生違天不祥必伐秦師樂

枝曰未報秦施而伐其師其爲死君乎

言以君死故忘秦施

先軫

曰秦不哀吾喪而伐吾同姓秦則無禮何施之爲

言秦以無

禮加已施不足顧

吾聞之一日縱敵數世之患也謀及子孫可

謂死君乎

言不可謂背君

遂發命敗秦師

趙衰晉大夫也文公二年秦孟明視敗於彭衙秦伯猶

用孟明孟明增修國政重施於民趙成子言於諸大夫

曰成子趙衰秦師又至將必辟之懼而增德不可當也詩曰

毋念爾祖聿修厥德

詩大雅言念其祖考則宜述修其德以顯之母念念也

孟明

念之矣念德不怠其可敵乎

荀林父晉大夫也文公七年晉襄子卒靈公少趙孟使

先蔑迎公子雍於秦穆嬴日抱太子以啼于朝趙孟患

之乃背先蔑立靈公而敗秦師先蔑奔秦士會從之先

蔑之使也荀林父止之曰夫人太子猶在而外求君此

必不行子以疾辭若何不然將及

禍將及乙

攝卿以往可也

何必子同官爲寮吾嘗同寮敵不盡心乎弗聽爲賦板

之三章

板詩大雅其三章義取藹菀之言猶不可忽况同寮乎僖二十八年林父將中行先蔑將左行

又弗聽及亡荀伯盡送其孥及其器用財賄於秦曰爲

同寮故也

中行桓子晉大夫也赤狄伐晉圍懷及邢邱

邢邱今河西平泉縣

晉侯欲伐之中行桓子曰使疾其民

驕則數戰爲民使疾

以盈其

貫將可殪也

殪盡也貫猶習也

周書曰殪戎殷

周書康誥也義取周武王以兵

伐殷盡滅之

此類之謂也

荀首晉大夫楚圍鄭晉救鄭及河聞鄭楚平晉荀首林父

欲還士會曰善先穀曰不可以中軍佐濟知莊子曰此

師殆哉

莊子荀首

周易有之在師三三

坎下坤上師

之臨三三

兌下

坤上臨師初六變而之臨

曰師出以律否臧凶

此師卦初六爻辭律法否不也

執事

順成爲臧逆爲否

今羸子逆命不順故應否臧之凶

衆散爲弱

坎爲衆今變爲

兌兌柔弱

川壅爲澤

坎爲川今變爲兌兌爲澤是川見壅

有律以如己也

如從也法

行則人從法法敗則法從人坎爲法象今爲衆則散爲川則壅是失法之用從人之象

故曰律否

臧且律竭也

竭敗也坎變爲兌是法敗

盈而以竭天且不整所以凶

也

水過天塞不得
壑流則竭涸也

不行之謂臨

水變爲澤乃成臨
卦澤不行之物

有帥

而不從臨孰甚焉此之謂矣

譬彘子之違
命亦不可行

果遇必敗

遇敵

必

彘子尸之

主此
禍

雖免而歸必有大咎晉師果敗明年

晉殺先穀

伯宗晉大夫也宣公十五年楚子圍宋宋使樂嬰齊告

急于晉晉侯欲救之伯宗曰古人有言曰雖鞭之長不

及馬腹

言非所
當擊

天方授楚未可與爭雖晉之強能違天

乎諛曰高下在心

度時
制宜

川澤納汙山藪藏疾

山之有林
藪毒害者

居瑾瑜匿瑕言雖美王之質亦或居藏瑕穢國君含垢忍垢天之道也

晉侯恥不救宋故伯宗說小惡不損大德之喻君其待之待楚乃止又晉侯將

伐潞諸大夫皆曰不可鄆舒有三雋才鄆舒潞相雋絕異也言有才藝

勝人者三不如待後之人伯宗曰必伐之狄有五罪雋才雖

多何補焉不祀一也嗜酒二也棄仲章而奪黎民地三

也仲章潞賢人也黎民黎侯國上黨壺關縣有黎亭虐我伯姬四也傷其君目

五也怙其雋才而不以茂德茲益罪也後之人將敬奉

德義以事神人而申其固命審其政令若之何待之不討有

罪曰將待後後有辭而討焉母乃不可乎夫恃才與衆

亡之道也商紂繇之故滅

繇用也

天反時爲灾

寒暑易節

地反

物爲妖

羣物失性

民反德爲亂亂則妖灾生故文反正爲乏

文字反其正字即爲乏字

伐果克之又與夏陽說衛孫良夫甯相鄭

人伊雒之戎陸渾蠻氏侵宋

夏陽說晉大夫蠻氏戎別種也河南新城縣東南有

蠻城經唯書孫良夫獨衛吉也

以其辭會也師于鍼衛人不保

不守備

說

欲襲衛曰雖不可入多俘而歸有罪不及死伯宗曰不

可衛唯信晉故師其在郊而不設備若襲之是棄信也

雖多衛俘而晉無信何以求諸侯乃止師還衛人登陴

又梁山崩晉侯以傳召伯宗

傳驛也

伯宗辭重曰辟傳

重載

之重人曰待我不如捷之速也

捷邪出也

問其所曰絳人也

問絳事焉曰梁山崩將召伯宗謀之問將若之何曰山

有朽壤而崩可若何國主山川

主謂所主祭

故山崩川竭君

爲之不舉

去盛儀

降服

捐盛服

乘縵

車無文

徹樂

息音聲

出次

於舍

郊祝幣

陳圭帛

史辭

自罪責

以禮焉

禮山川

其如此而已雖伯

宗若之何伯宗請見之

見之於晉君

不可

不肯見

遂以告而從

之從重
人言

范武子晉大夫也。郤獻子聘于齊，齊頃公使婦人觀而笑之。郤獻子怒，歸請伐齊。范武子退，自朝謂其子曰：「燮乎！吾聞之，干人之怒必獲毒焉。夫郤子之怒甚矣，不逞於齊，必發諸晉國，不得政，何以逞怒？余將致政焉，以成其怒，無易內以外也。爾勉從二三子，以承君命，唯敬乃。」

老乃告
老

范文子晉大夫也。秦晉為成，將會于令狐。晉侯先至焉。

秦伯不肯涉河次于王城使史穎盟晉侯于河東

史穎秦大

夫晉卻犇盟秦伯于河西

記盟二城

范文子曰是盟也何益

齊盟所以質信也

齊一心質成也

會所以信之始也始之不從

其可質乎秦伯歸而背晉成晉人執魯季文子魯使叔

聲伯請于晉文子謂欒武子曰季孫於魯相二君矣

二君

宣成妾不衣帛馬不食粟可不謂忠乎信讒慝而棄忠良

若諸侯何子叔嬰齊奉君命無私

不受却犇清邑

謀國家不貳

謂四日不食以堅事晉

圖其身不忘其君

辭邑不食皆先君而後身

若虛其請

是棄善人也子其圖之乃許魯平赦季孫又鄆陵之役
晉伐鄭荆救之欒武子將上軍范文子將下軍欒武子
將戰范文子不欲曰吾聞之惟厚德者能受多福無德
而服者衆必自傷也今我戰又勝荆與鄭吾君將伐智
而多力怠教而重斂大其私暱而益婦人用戰若勝亂
地之秩者也其產將害大盍姑無戰乎武子曰昔韓之
役惠公不復舍邲之役三軍不振旅箕之役先軫不復
命晉國固有大恥三今我任晉國之政不損晉恥又以

違蠻夷重之雖有後患非吾所知也范文子曰擇福莫若重擇禍莫若輕福無所用輕禍無所用重晉國固有大恥與其君臣不相聽以爲諸侯笑也盍姑以違蠻夷爲恥乎欒武子不聽遂與荊人戰於鄢陵大勝之於是乎君伐智而多力怠教而重歛大其私暱殺三郤而尸諸朝納其室而分婦人於是乎國人弗蠲遂弑諸翼葬之翼東門之外以車一乘厲公之所以死者唯無德而功烈多服者衆也一說鄢陵之後晉伐鄭荊救之大夫

欲死戰范文子不欲曰吾聞君人者刑其民成而後振
武於外是以內和而外威今吾司寇之刀鋸日弊而斧
鉞不行也內猶不刑而况外乎夫戰刑也刑之過也過
由大而怨由細故以惠誅怨以怨去過細無怨而大不
過而後可以武刑外之不服者今吾刑外乎大夫而怨
於小民將誰行武武不行而勝幸也幸以爲政必有內
憂且惟聖人能無外患又無內憂詐非聖人必偏而後
可偏而在外猶可救也疾自中起是難盍姑釋荆與鄭

以爲外患乎

釋置也

又厲公將伐鄭范文子不欲曰若以

吾意諸侯皆畔則晉可爲也唯有諸侯故擾擾焉凡諸

侯難之本也得鄭憂滋長安用鄭郟至曰然則王者多

憂乎文子曰我王者之功也乎哉夫王者成其德而遠

人以其方賄歸之故無憂今我寡德而求王者之功故

多憂子見無土而欲富者樂乎哉

無土求富

厲公敗荆師於

鄆將歸范文子立於戎馬之前曰君幼弱諸臣不佞吾

何福以及此吾聞天道無親惟德是授晉且以勸荆乎

君與二三臣其戒也夫德福之基也無德而福隆猶無
基而厚墉也其壞也無日矣又厲公敗荊於鄆而反范
文子謂其宗祝曰君驕泰而有烈夫以德勝者猶懼失
之而况驕泰乎君多私令以勝歸私必昭昭私難必作
吾恐及焉凡吾宗祝謂我祈死先難爲免七年夏范文
子卒冬難作始於三郟卒及於公

范宣子晉大夫也襄公五年楚子囊爲令尹

公子
貞

范宣

子曰我喪陳矣楚人討貳而立子囊必改行

改子
所行

而

疾討陳也。疾急也。陳近於楚民朝夕急能無往乎有陳非吾

事也無之而後可

言晉力不能及陳故七年陳侯逃歸也

韓獻子晉大夫也成公十五年楚子侵鄭及暴隧隧侵

衛及首止鄭子罕侵楚取新石

新石楚邑

晉欒武子欲報楚

韓獻子曰無庸

庸用也

使重其罪民將叛之

背盟數戰罪也

無民

孰戰遂止又楚子重救彭城伐宋

使偏師與鄭人侵宋子重爲後鎮

宋

革元如晉告急韓獻子爲政

於是欒書卒韓厥代將中軍

曰欲求得

人必先勤之

勤恤其急

成霸安強自宋始矣晉侯師於台谷

以救宋

台谷地闕

遇楚師於靡角之谷楚師還

畏晉強也靡角宋地

又

楚司馬何忌魯襄公三年侵陳四年春楚師爲陳叛故

猶在繁陽

前年何忌之師侵陳猶未還繁陽楚地在汝南桐陽縣南

韓獻子患之言

於朝曰文王帥殷之叛國以事紂唯知時也

時未可爭

今我

易之難哉

晉力未能服楚受陳爲非時

中行獻子晉大夫也諸侯伐鄭鄭人恐乃行成

與晉成也

中

行獻子曰遂圍之以待楚人之救也而與之戰不然無

成

獻子荀偃也恐楚救鄭鄭復屬之

知武子曰許之盟而還師以敝楚

人敵罷也

吾三分四軍

分四軍為三部

與諸侯之銳以逆來者

來者

也楚於我未病楚不能矣

晉各一動而楚三來故曰不能

猶愈於戰

勝聚戰

暴骨以逞不可以爭

言爭當以謀不可以暴骨

大勞未艾君子勞心

小人勞力先王之制也

艾息也言當從勞心之勞

諸侯皆不欲戰乃

許鄭成又襄公十四年衛侯出奔衛人立公孫剽晉侯

問衛故於中行獻子

問衛逐君當討否

對曰不如因而定之衛

有君矣

謂剽已立

伐之未可以得志而勤諸侯史佚有言曰

因重而撫之

重不可移就撫安之

仲虺有言曰亡者侮之亂者取

之推亡固存國之道也

仲虺湯左相

君其定衛以待時乎

待具

昏亂之時乃伐之

冬會于戚謀定位也

謀定立劑

荀瑩晉大夫也哀公十年宋公享晉侯于楚邱請以桑

林

桑林殷天子之樂名

荀瑩辭

辭謀之

荀偃士句曰諸侯宋魯於是

觀禮

宋王者後魯以周公故皆用天子禮樂故可觀

魯有禘樂賓祭用之

禘三年大

祭則作四代之樂別祭季公則用諸侯之樂

宋以桑林享君不亦可乎

言具天子

樂也舞師題以旌夏

師帥也旌夏大旌也題識也以大旌表識其行列

晉侯懼而

退入于房

旌夏非常卒見之人心偶有所畏

去旌卒享而還及著雍疾

晉侯疾也
著雍晉地

卜桑林見

崇見於卜北

荀偃士臼欲奔請禱焉

走奔

還宋
禱

荀瑩不可曰我辭禮矣彼則以之

以用也

猶有鬼神

於彼加之

言自當加罪于宋

韓宣子晉大夫襄公二十七年初宋向戌善於趙文子

又善於令尹子木欲弭諸侯之兵以爲名

欲獲息民之名

如晉

告趙孟趙孟謀於諸大夫韓宣子曰兵民之殘也財用

之蠹

蠹害物之蟲

小國之大當也將或弭之雖曰不可必將

許之

言雖知兵不得久弭今不可不許

弗許楚將許之以召諸侯則我

失爲盟主矣晉人許之如楚楚亦許之如齊齊人難之
陳文子曰晉楚許之我焉得已且人曰弭兵而我弗許
則固攜吾民矣將焉用之齊人許之告秦秦亦許之皆
告於小國爲會於宋

叔向晉大夫也襄公二十一年諸侯會於商任齊侯衛
侯不敬叔向曰二君者必不免會朝禮之經也禮政之
興也政身之守也怠禮失政失政不立是以亂也又宋
向戌如晉請弭諸侯之兵爲會於宋楚人衷甲趙孟患

楚衷甲以告叔向叔向曰何害也匹夫一爲不信猶不

可單斃其死

單盡也斃踏也

若合諸侯之卿以爲不信必不捷

矣食言者不病

不病者單斃於死

非子之患也

楚食言當死晉不食言故無患

夫以信召人而以僭濟之

濟成也

必莫之與也安能害我

且吾因宋以守病

爲楚所病則欲入宋城

則夫能致死與宋致死

雖倍楚可也

宋爲地主致死助我則力可倍楚

子何懼焉又不及是曰

弭兵以召諸侯而稱兵以害我

稱舉也

吾庸多矣非所患

也

晉獨取信故其功多

宋之盟

弭兵之盟

楚人固請先軟叔向謂趙文

子曰夫霸王之勢在德不在先軟子若能以忠信質君而裨諸侯之闕軟雖後諸侯將載之何爭於先若違於德而以賄成事今雖先諸侯將棄之何欲以先昔成王

盟諸侯於岐陽楚爲荆蠻置茅蕝設望表與鮮牟守燎

故不與盟

置立也蕝束茅而立所以縮酒也望祭山川立木爲表其位也鮮牟東夷國也

今將

與狎主諸侯之盟唯有德也子務德無爭先務德所以

服楚也乃先楚人

讓使楚先

又昭公五年韓宣子如楚逆女

叔向爲介鄭子皮子太叔勞諸索氏

河南成臯縣東有大索城

太叔

謂叔向曰楚王汰侈已甚子其戒之叔向曰汰侈已甚

身之灾也焉能及人若奉吾幣帛慎吾威儀守之以信

行之以禮敬始而思終終無不復事皆可復行從而不失儀

敬而不失威道之以訓辭奉之以舊法考之以先王先以

王之禮成其好度之以二國度晉楚之勢雖汰侈若我何及楚楚子

朝其大夫將以韓宣子爲闡叔向爲司宮遠啟疆曰不

可乃厚爲其禮又昭十三年諸侯會于平丘晉侯使叔

向告劉獻公獻公王卿士劉子曰抑齊人不盟若之何對曰盟

以底信

底致也

君苟有信諸侯不貳何患焉告之以文辭

董之以武師雖齊不許君庸多矣

董督也庸功也討天之有辭故功多也

子之老請帥王賦元戎十乘以先啓行

天子大夫稱老元戎戎車在前

者啓開也

遲速惟君

欲佐晉討齊

叔向告於齊曰諸侯求盟

已在此矣今君弗利寡君以爲請對曰諸侯討貳則有

尋盟若皆用命何盟之尋

托用命以拒

叔向曰國家之敗有

事而無業事則不經

業貢賦之業

有業而無禮經則不序

禮行

而有有禮而無威序則不共

禮須威嚴而後共

有威而不昭共

則不明

威須昭告神明而後信義著

不明棄共百事不終所繇傾覆

也

信義不明則棄威不威棄禮無禮無威無經無業故百事不成

是故明王之制使諸

侯歲聘以志業

志識也歲聘以修其職業

間朝以講禮

二年而一朝正班爵之義

率長幼

再朝而會以示威

六年而一會以訓上下之則制財用之節

再會而

盟以顯昭明

十二年而一盟所以昭信義也凡八聘四朝再會王一巡狩盟于方嶽之下

志

業於好

聘也

講禮於等

朝也

示威於衆

會也

昭明於神

以來未之或失也存亡之道常繇是與晉禮主盟

依先王先

公舊禮主

懼有不治奉承齊犧

齊盟之犧牲

而布諸君求終

事也

終竟也

君曰余必廢之何齊之有唯君圖之寡君聞

命矣齊人懼對曰小國言之大國制之敢不聽從既聞

命矣敬共以往遲速惟君叔向曰諸侯有間矣

間隙也

不

可以不示衆八月辛未治兵

習戰

建而不旆

建立旌旗不曳其旆旆游

也士申復旆之諸侯畏之

軍將戰則旆故曳旆以恐之

昭公十五年

荀躒如周葬穆后籍談爲介既葬除喪以文伯宴樽以

魯壺且求彘器籍談歸以告叔向叔向曰王其不終乎

吾聞之所樂必卒焉今王樂憂若卒以憂不可謂終王

一歲而有三年之喪二馬

天子絕期惟服三年故
后雖期通謂之三年喪

於是

乎以喪賓宴又求彝器樂憂甚矣且非禮也彝器之來

嘉功之繇非繇喪也三年之喪雖貴遂服禮也王雖弗

遂宴樂以早亦非禮也

言今雖不能遂服猶當靜
嘿而便宴樂又失禮也

禮王

之大經也一動而失二禮無大經矣

失二禮謂既不
遂服又設宴樂

言

以考典

考成也

典以志經忘經而多言舉典將焉用之昭

公十三年楚靈王之弑也子干自晉歸楚人立爲君韓

宣子問於叔向曰子干其濟乎對曰難宣子曰同惡相

求如市賣焉何難

宣子謂棄疾親恃子于共同好惡故言如市賣同利以相求

對曰

無與同好誰與同惡

言棄疾不與子于同好則亦不得同惡

取國有五難

有寵而無人一也

寵須賢人而固

有人而無主二也

雖有賢人當須內主

為有主而無謀三也

謀策

有謀而無民四也衆有民而

無德五也

四者既備當以德成

子于在晉十二年矣晉楚之從不

聞達者可謂無人

晉楚之士從子于游皆非達人

族盡親叛可謂無主

無親族在楚

無釁而動可謂無謀

召子于時楚未有大釁

爲羈終世可

謂無民

終身羈客在晉楚是謂無民

亡無愛徵可謂無德

楚人無愛念之者

王虐而不忘

靈王暴虐無所畏忌將自亡

楚君子干涉五難以弑舊

君誰能濟之

言楚借君子干以弑靈王終無能成

有楚國者其棄疾乎君

陳蔡城外屬焉

城方城也時穿封戌既死棄疾并領陳事

苛慝不作盜賊伏

隱私欲不違

不以私欲違民事

民無怨心先神命之

先神謂羣望

國

民信之芊姓有亂必季實立楚之常也獲神一也

當璧拜

有民二也

民信之

令德三也

無苛慝

寵貴四也

貴妃子

居常五

也

棄疾李

有五利以去五難誰能害之子干之官則右尹

也數其貴寵則庶子也以神所命則又遠之其貴亡矣

位不尊

其寵棄矣

父既歿故

民無懷焉

非令德

國無與焉

無內主

將

何以立宣子曰齊桓晉文不亦是乎

皆言賤

對曰齊桓衛

姬之子也有寵於僖

衛姬齊僖公

有鮑叔牙賓須無隰朋以

爲輔佐有莒衛以爲外主

齊桓出奔莒衛有舅氏之助

有國高以爲

內主

國氏高氏齊上卿

從善如流

言其疾也

下善齊肅

齊嚴也肅敬也

不藏

賄也

清儉也

施舍不倦

施舍猶言布恩德

求善不厭是以有

國不亦宜乎我先君文公狄季姬之子也有寵於獻好

學而不貳

言篤志

生十七年有士五人

狄僖趙衰顛頡魏武子司空季子五

士從出 有先大夫子餘子犯以爲腹心子餘趙衰子犯狐偃 有魏犢

賈佗以爲股肱魏犢魏武子也稱五人而說四士賈佗又不在本數內蓋叔向所賢 有齊

宋秦楚以爲外主齊妻以女宋贈以馬楚王享之秦伯納之 有欒郤狐先以

爲內主謂欒枝郤穀 亡十九年守志彌篤惠懷棄民惠公

懷公不恤民也 民從而與之獻無異親民無異望獻公之子六人惟文公在

天方相晉將何以代文此二君者異於子干共有寵子

國有與主謂棄疾也 無施於民無援於外去晉而不送歸楚

而不逆何以冀國言子干所以蒙弑君之名棄疾所以得國 又昭公十一年

周單子歸韓宣子于戚

單子單成公

視下言徐叔向曰單子

其將死乎朝有著定

著定朝內列位常處謂之表著

會有表

野會設表以爲位

衣有禮帶有結

禮傾會結帶結也

會朝之言必聞於表著之位

所以昭事序也視不過結禮之中所以道容貌也言以

命之容貌以明之失則有闕今單子爲王官伯而命事

於會視不登帶言不過步貌不道容而言不昭矣不道

不共不昭不從

貌正曰容言順曰從

無守氣矣

爲此年冬單子卒起本

又叔

向見司馬侯之子撫而泣之曰自其父之死吾蔑與北

面而事君矣昔者其父始之我終之我始之夫子終之無不可者籍偃在側曰君子有比乎叔向曰君子比而不別比德以贊事比也引黨以封己利己而忘君別也

又楚令尹享趙孟事畢趙孟謂叔向曰令尹自以爲王

矣何如

問將能成否

對曰王弱令尹彊其可哉

言可成

雖可不

終趙孟曰何故對曰強以克弱而安之彊不義也

安於勝君

是彊而不義

不義而彊其斃必速詩曰赫赫宗周褒姒滅之

彊不義也

詩小雅褒姒周幽王后幽王惑焉而行不義是以滅之

令尹爲王必求

諸侯晉少懦矣

懦弱也

諸侯將往若獲諸侯其虐滋甚

益滋

也

民弗堪也將何以終夫以彊取

取不以道

不義而克必以

爲道

以不義爲道

道以虐淫弗可久也矣

女叔侯晉大夫也襄二十九年晉侯使司馬女叔侯來

魯治杞田

使魯歸前侵杞田所歸少故不書

弗盡歸也晉悼夫人愠曰

齊也取貨

夫人平公母杞女也謂叔侯取貨於魯故不盡歸杞田

先君若有知也

不尚取之

不尚叔侯之取貨

公告叔侯叔侯曰虞虢焦滑霍楊

韓魏皆姬姓也

八國皆晉所滅焦在陝縣楊屬平陽縣

晉是以大若非侵

小將何所取武獻以下兼國多矣

武公獻公晉始盛之君

誰得治

之杞夏餘也而即東夷

行夷禮

魯周公之後也而睦於晉

以杞封魯猶可而何有焉

何有盡歸

魯之於晉也職貢不之

玩好時至公卿大夫相繼於朝史不絕書

書魯之朝聘

府無

虛月

無月不受朝貢

如是可矣何必瘠魯以肥杞且先君而有

知也毋寧夫人而焉用老臣

先君毋寧怪夫人之所為毋用責我

士文伯晉大夫魯昭公六年三月鄭人鑄刑書士文伯

曰火見鄭其火乎

火心星也周五月昏見

火未出而作火以鑄刑

器

刑器鼎也

藏爭辟焉火如象之不火何爲

象類也同氣相求火未出而用

火相感以致災

六月丙戌鄭災

終文伯之言

祁午晉大夫也昭公元年諸侯盟於虢祁午謂趙文子

曰宋之盟楚人得志於晉

得志謂先歆午祁奚子

今令尹之不信

諸侯之所聞也子弗戒懼又如宋

恐楚復得志

子木之信稱

於諸侯猶詐晉而駕馬

駕猶陵也詐謂衷甲

况不信之尤者乎

尤甚

也楚重得志於晉晉之恥也子相晉國以爲盟主於今

七年矣

襄二十五年始爲政以春言故云七年

再合諸侯

襄二十五年會夷儀二十六年

會澶

三合大夫

襄二十七年會於宋三十一
年會澶淵及二會號也

服齊狄寧東

夏

襄二十八年齊侯白狄朝晉

平秦亂

襄二十九年秦晉爲成

城淳子

襄二十九年城

杞之淳子

杞遷都

師徒不頓國家不罷民無謗譖

譖誹也

諸侯無

怨天無大灾子之力也有令名矣而終之以耻午也是

懼吾子其不可以不戒文子曰武受賜矣

受午言

然宋之

盟子木有禍人之心武有仁人之心是楚所以駕於晉

也今武猶是心也楚又行僭

僭不信

非所害也武將信以

爲本循而行之譬如農夫是穠是藁

穠耘也藁苗爲藁

雖有饑

饑必有豐年

言耕耘不以水旱息必獲豐年之收也

且吾聞之能信不爲

人下吾未能也

自恐未能信

詩曰不僭不賊鮮不爲則信也

詩大雅僭不能爲人則者不爲人下矣吾不能是難楚信賊害人也

不爲患

史趙晉大夫也昭公八年楚師滅陳晉侯問於史趙曰

陳其遂亡乎對曰未也公曰何故對曰陳顓頊之族也

陳祖舜舜出顓頊

歲在鶉火是以卒滅陳將如之

顓頊氏以歲在鶉火而滅

火盛而水滅也

今在析木之津猶將復繇

箕斗之間有天漢故謂之析木之津繇用

也且陳氏得政于齊而後陳卒亡

物莫能
兩盛

自幕至于瞽

瞽無違命

幕舜之先替瞽舜父從幕至
替瞽間無違天命廢絕者

舜重之以明德

寘德於遂

遂舜後蓋殷興存舜之後
而封遂言舜德乃至於後

遂世守之及胡公

不淫故周賜之姓使祀虞帝

胡公滿遂之後也事周武
王賜姓曰媯封諸陳繼舜

後

臣聞盛德必百世祀虞之世數未也繼守將在齊其

兆既存矣後陳滅而陳完之後復代齊

荀吳晉大夫也昭公十一年楚師在蔡荀吳謂韓宣子

曰不能救蔡物以無親

物事也

晉之不能亦可知也已為

盟主而不恤亡國將焉用之遂救蔡晉侯以齊侯宴中

行穆子相

穆子荀吳

投壺晉侯先穆子曰有酒如淮有肉如

坻

淮水名坻山名

寡君中此為諸侯師中之齊侯舉矢曰有酒

如澠有肉如陵

澠水出齊國臨淄縣北入時水陵大阜也

寡人中此與君代

興

代更也

亦中之伯瑕謂穆子曰

伯瑕士文伯

曰子失辭吾固

師諸侯矣壺何為焉其以中雋也

言投壺中不足為雋異

齊君弱

吾君歸弗來矣

欲與晉君代興是弱之

穆子曰吾軍師彊禦卒乘

競勸今猶古也齊將何事

言晉德不衰於古齊不事晉將無所事

公孫僂

趨進曰日旰君勤可以出矣以齊侯出

使齊大夫傳言晉之衰

司馬寅晉大夫也初哀公十三年魯哀公會單平公晉

定公吳夫差于潢池吳晉爭先

爭執血先後

吳人曰於周室

我爲長

吳爲太伯後故爲長

晉人曰於姬姓我爲伯

爲侯伯

趙鞅呼

司馬寅曰日旰矣

旰晚也

大事未成二臣之罪也

大事盟也二臣

鞅與寅

建鼓整列二臣死之長幼必可知也對曰請姑視

之反曰肉食者無墨

墨黑色下也肉食之人氣色下

今吳王有墨國勝

乎

國爲敵所勝

太子死乎且夷德輕不忍久請少待之

少待無與

爭乃先晉人

盟不書諸侯恥之故

士鞅晉大夫也定公八年趙鞅言於晉侯曰諸侯惟宋

事晉好逆其使猶懼不至今又執之是絕諸侯也將歸

樂祁士鞅曰三年止之無故而歸之宋必叛晉

執樂祁在六年

獻子私謂子梁曰

獻子范鞅子梁樂祁

寡君懼不得事宋君是以

止子子姑使溷代子

溷樂祁子

子梁以告陳寅陳寅曰宋將

叛晉是棄溷也不如待之

留待勿以子自代

樂祁歸卒于大行

大行晉東南山

士鞅曰宋必叛不如止其尸以求成焉乃止諸

州

州晉地

訾祐范宣子家臣也范宣子與蘇大夫爭田久而無成
宣子欲攻之問於伯華伯華曰外有軍內有事赤也外
事也不敢侵官且吾子之心有出焉可徵訊也問於孫
林父林父曰魯人所以事子也惟事是待問於張老張
老曰老也以軍事承子非戎則非吾所知也問於祈奚
祈奚曰公族之不恭公室之有回內事之邪大夫之取
是吾罪也若以軍官從子之私懼子之應且憎也問於

籍偃籍偃曰偃也以斧鉞從於張孟日聽命焉若夫子之命也何二之有釋夫子而舉是反吾子也問於叔魚叔魚曰待吾爲子戮之叔向聞之范宣子曰聞子與鮒未寧徧問於大夫又無決盍訪之於訾祐訾祐質直而博直能端辯之博能上下比之且吾子之家老也吾聞國家有大事必順於典刑而訪咨於耆老而後行之宣子問於訾祐訾祐對曰昔隰叔子違周難於晉國生子輿爲貪理以正於朝朝無姦官爲司空以正於國國無

敗績世及武子佐文襄爲諸侯諸侯無二心後之人可
則是以受隨范及文子成晉荆之盟豐兄弟之國今吾
子嗣位於朝無姦行於國無邪民無四方之患無內外
之憂賴三子之功而享其祿位今既無事矣而非蘇於
是加寵將何治爲宣子說乃益蘇田而與之和訾祐死
范宣子謂獻子曰鞅乎昔者吾有訾祐也吾朝夕顧焉
以相晉國且爲吾家今吾觀女也專則不能謀則無與
也將若之何對曰鞅也居處恭不敢安易敬學而好仁

和於政而好其道謀於衆不以賈好和志雖喪不取謂是也必長者之繇宣子曰可以免耳

趙簡子晉大夫也昭二十五年諸侯會於黃父簡子令

諸侯之大夫輸王粟具戍人曰明年將納王家樂大心

曰我不輸粟我於周爲客二王後若之何使客晉士伯

曰自踐土以來踐土在僖二十八年宋何役之不會而何盟之不

同曰同恤王室子焉得辟之子奉君命以會大事而宋

背盟無乃不可乎右師不敢對受牒而退右師樂大心士伯

告簡子曰宋右師必亡奉君命以使之欲背盟以干盟

主無不祥大馬

言不善無大於此者定十年宋樂大心出奔

又簡子有兩白

驪而甚愛之陽城胥渠疾

陽城姓胥渠名疾猶病

廣門之官夜款

門而謁曰主君之臣胥渠有疾

廣門邑之官小臣款叩趙簡子門簡子晉大夫

稱主君

醫教曰得白驪之肝病則止

止愈也

不得則死謁者

入董安于御于側愠曰譖胥渠胥渠也欺吾君請即刑

焉

安于簡子家臣也愠怒也即刑請就胥渠而刑之

簡子曰夫殺人以活畜不

仁乎殺畜以活人不亦仁乎於是召庖人殺白驪取其

肝以予陽城胥渠處無幾何病愈趙興兵而攻習廣門之官左七百人右七百人皆先登而獲甲首

衣甲者之首也

傅僂晉趙簡子屬也晉趙鞅與鄭師戰鄭師大敗獲齊

粟千車趙孟喜曰可矣傅僂曰雖克鄭猶有知在憂未

艾也

言知氏將爲難後竟有晉陽之患

趙襄子晉大夫也智伯攻趙襄子趙襄子出曰吾何走乎從者曰長子近且城厚完襄子曰罷民力以困之又斃死以守之其誰與我從者曰邯鄲之倉庫實襄子曰

浚民之膏澤以實之又因而殺之其誰與我其晉陽乎
先主之所屬也尹鐸之所寬也民必和矣乃走晉陽晉

師圍而灌之沉竈產蛙民無畔意趙襄子攻翟而勝之

尤人終人

尤人終人翟之二邑也

使者來謁之襄子方將食而有

憂色左右曰一朝而兩城下此人之所喜也今君有憂

色何也襄子曰江河之大也不過三日

三日而滅也

飄風暴

雨日中不須臾

言其不能終日

今趙氏之德行無所積今一朝

兩城下亡及其我乎孔子聞之曰趙氏其昌乎夫憂所

以爲昌也而喜所以爲亡也勝非其所難者也賢主以此持勝故其福及後世

絺疵晉大夫也初智伯從韓魏兵以攻趙圍晉陽而水之城下不沉者三版絺疵謂智伯曰韓魏之君必反矣智伯曰何以知之絺疵曰以其事知之夫從韓魏之君而攻趙趙亡難必及韓魏矣今約勝趙而三分其地今城不浸者三版白竈生龜人馬相食城降有日而韓魏之君無喜志而有憂色是非反如何明日智伯以告韓

魏之君曰疵言君之且反也韓魏之君曰夫勝趙而三分其地域今且將拔矣夫二家雖愚不棄美利於首背信盟之約而爲危難不可成之事其勢可見也是疵爲趙計矣使君疑二主之心而解於攻趙也今君聽謂臣之言而離二主之交爲君惜之趨而出締疵謂智伯曰君又何以疵言告韓魏之君爲智伯曰子安知之對曰韓魏之君視疵端而趨疾締疵知其言之不聽請使於齊智伯遣之韓魏之君果反矣

冊府元龜卷七百三十二